



**Naalackersuisut siulittaasuat & Nunanut
allanut tunngasunut Naalackersuisoq**

Ulloq 20. november 2013

J.nr.: 01.37.01.03-00075

**Sisamangornermi 21. november 2013 nal. 18 imal. Inatsisartuni ataatsimiinnerup
naammasseriitsiarnerani Ataatsimiittarfik 1-imi isumasioqatigiinnissamut
aggersaaneq.**

Sanaartornermut ataatsimiititaliap Naalackersuisunut siulittaasoq isumasioqatigiinnissamut matumuuna aggersarpaa.

Nuummi umiarsualivik pillugu taasissutigineqartussat sammisap UKA 2013/18-p paasisaqarfigineqarnissa isumasioqatigiinnermi uani pingaarnertut sammineqassaaq. Ataatsimiititaliap ataani apeqqutimigut siunnersuut taasissutigineqartussat sammisaaq eqqorluinnartumik paasisaqarfigerusuppaa.

Nuummi umiarsualivik pillugu siunnersuummut atatillugu aningaasaliissutissat naatsorsuutigineqartut qaffarujussuarsimanagerat. Ataatsimiititaliap maluginiarpaa. Taamaalilluni Ataatsimiititaliap paasisinnaavaa aktiaateqarluni ingerlatseqatigiiffissat siunnersuutigineqartumut aningaasaliiniissamut naatsorsuutigisat qaaffarujussuarsimasut. Immikkoortup siullermeerneqarnerani siunnersuutip saqqummiunneqarneraniit siunnersuutip aningaasatigut sunniutissai tamarmiusut aamma allanngorsimapput. Ataatsimiititaliap Naalackersuisunut allakkatigut apeqquqartarnermigut taamaalilluni paasisinnaavaa Nunatta Aningaasivianuinnaq 715 mio. kr.-t naatsorsuutigineqartut.

Isumasioqatigiinnermi Ataatsimiititaliap uku oqaloqatigiissutigerusuppai:

Apeqqutit

1. Siunnersuut taama isikkoqartillugu akuerineqassagaluarpat, piginnaatitsissutit sorpiaat Inatsisartunit Naalackeruisunut tunniunneqassappat?

Tamatumanittaaq ilaatigut:

- A. Aktiaateqarluni ingerlatseqatigiiffissat siunnersuutigineqartumut aningaasaliinerit annertussusaannut sunniuteqarnissamut Inatsisartut sunik periarfissaqassappat?
- B. Nuummi umiarsualiviup pilersinneqarneranut sanaartorneqarneranullu atatillugu akissaajaatit tamarmiusut annertussusaannut sunniuteqarnissamut Inatsisartut sunik periarfissaqassappat?
- C. Umiarsuaassisarnerup allanngortinneqarnissaanut killiliisut suussappat, tamatumanittaaq Kalaallit Nunaanni namminermi Atlantikorlu ikaarlugu usinik assartuinermi piffissamut atugarineqartumut atatillugu?


- D. Siunnersuut taama isikkoqartillugu akuerineqassagaluarpat, aningaasaliinernut, umiarsuaassisarnernut, assartuinnermi piffissamut, atuisut akiliuteqartarnerannut il.il. atatillugu piginnaatitsissutit suut Inatsisartunit tunniunneqassappat?

Isumasioqatigiinnermi Ataatsimiititaliap malitseqartitsilluni apeqquteqartarnissaa naatsorsuutigisariaqarpoq.

Ataatsimiititaliap Naalakkersuisumik isumasiuinera Naalakkersuisunut ilaasortap ataatsimiititaliallu akornanni pingaarnersiulluni tullerriarinerit anguniakkallu pillugit naalakkersuinikkut tunngasunik oqaloqatigiinnertut sapinngisamik iluseqarnissaa Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu Ataatsimiititaliap Naalakkersuisumik apersuineranut atatillugu tigusaqarnissani ataatsimiititaliap kissaatigaa. Allakkiap kingusinnerpaamik Ataatsimiititaliap Naalakkersuisumik apersuinerata kinguninngua uunga nassiunneqarnissaa qinnutigineqarpoq: rifre@inatsisartut.gl. Allakkiap Ataatsimiititaliap Naalakkersuisumik apersuinnaanut nassarneqassappat atornerqarpallu taassuma nuutinnera ataatsimiititaliap Naalakkersuisumik apersuinerata aallartinnerani Ataatsimiititaliap oqalutnaanut tunniuteqquneqarpoq.

Inussiarnersumik inuulluaqqusillunga


Karl-Kristian Kruse
Ataatsimiititaliami siulittaasoq